

«Рўйхатга Олинган»

“ТАСДИҚЛАНГАН”

«SPICEMEAT»


Акциядорлик жамияти ягона

таъсисчисининг

2026 йил «27» мартдаги 01-сон Қарори

асосида

Таъсисчи



Mirsaatov Miragzam Mirpulatovich

«SPICEMEAT»

Aksiyadorlik jamiyati

Ustavi

Тошкент шаҳри – 2026 йил.

1. Умумий қоидалар.

1.1. Ушбу Устав Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуни (матн давомида Қонун) ва бошқа қонун ҳужжатлари асосида ишлаб чиқилган.

«**SPICEMEAT**» aksiyadorlik jamiyati (кейинги матнда «Жамият» деб аталувчи) Ўзбекистон Республикаси қонун ҳужжатларига мувофиқ таъсис қилинган ва фаолият олиб боради.

«**SPICEMEAT**» aksiyadorlik jamiyati ўзининг ҳуқуқий ҳолатига ва мазкур Устав нормаларига кўра, «Toshkent Parranda» mas'uliyati cheklangan jamiyati ажралиб чиқиш шаклида ташкил этилган ва тақсимлаш балансига мувофиқ «Toshkent Parranda» mas'uliyati cheklangan jamiyatining ҳуқуқ ва мажбуриятлари бўйича ҳуқуқий ворис ҳисобланади.

1.2. Жамият ўз фаолиятини Ўзбекистон Республикасининг Фуқаролик кодекси, «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуни ва бошқа меъёрий-ҳуқуқий ҳужжатларга мувофиқ олиб боради.

1.3. Жамиятнинг тўлиқ фирма номи:

Тўлиқ:	
Ўзбек тилида	« SPICEMEAT » Aksiyadorlik jamiyati
Рус тилида	Акционерное общества « SPICEMEAT »
Инглиз тилида	Joint-stock Company « SPICEMEAT »
Қисқача:	
Ўзбек тилида	« SPICEMEAT » АЖ
рус тилида	АО « SPICEMEAT »
инглиз тилида	JSC « SPICEMEAT »

Жамиятнинг жойлашган ери (почта манзили): Ўзбекистон Республикаси, Тошкент шаҳар, Мирзо Улуғбек тумани, Ижодкор МФЙ, Миллий Боғ кўчаси, 16-уй.

2. Жамият фаолиятининг соҳаси (асосий йуналишлари) ва мақсади

2.1. Жамият тижорат ташкилоти бўлиб, унинг асосий мақсади молиявий-хўжалик фаолиятдан фойда олишдир.

Жамиятнинг асосий фаолият доираси – парранда гўшти ва қорамол гўштини қайта ишлаб, ярим тайёр ва тайёр гўшт маҳсулотлари (колбаса, сосиска ва бошқа турдаги) ишлаб чиқариш.

2.2. Ўз фаолият мақсадига эришиш учун Жамият қуйидагиларни амалга оширади:

2.2.1. Экспорт-импорт операцияларини амалга ошириш;

2.2.2. Кенг турдаги халқ истеъмоли ва саноат маҳсулотлари ишлаб чиқариш ва сотиш фаолияти билан шуғулланиш;

- 2.2.3. Кенг кўламдаги консалтинг хизматларини кўрсатиш;
- 2.2.4. Улгуржи савдо ва чакана савдо фаолиятини амалга ошириш;
- 2.2.5. Энергияни иқтисод қилувчи электр жиҳозлар, буюмлар ва материаллар ишлаб чиқариш ва сотиш;
- 2.2.6. Нефт ва ёқилғи мойлаш маҳсулотлари чакана ва улгуржи сотиб олиш ва сотиш, қайта ишлаш;
- 2.2.7. Қурилиш ишларини бажариш, шу жумладан кўп қаватли биноларини қуриш, қурилиш ишларида бош пудратчи, субпудратчи сифатида иштирок этиб, қурилиш ишларини бажариш;
- 2.2.8. Инвеститсия агенти, инвеститсия ва солиқ маслаҳатчиси каби хизматларни кўрсатиш;
- 2.2.9. Инновацион ва инвеститсия лойиҳаларида сармоядор сифатида иштирок этиш, кўчмас мулк ва бошқа мулк объектларини қуриш, қайта қуриш, тамирлаш, фаолият турини ўзгартириш, янги соҳаларни тадбиқ этиш лойиҳаларида қатнашиш.
- 2.2.10. Полиграфия ишлари, дорихоналар очиш, дори-дармонлар ишлаб чиқариш ва дорилар билан савдо қилиш, умумий овқатланиш: кафе, бар, ресторан, ошхоналар ташкил қилиш, қурилиш, қурилиш-таъмирлаш, қурилиш-монтаж ишларини бажариш, кафеларни ташкил этиш, бинони, мулкни ва асосий воситаларни ижарага бериш хизматларини кўрсатиш;
- 2.2.11. Халқ истеъмоли моллари дўконларини очиш, савдо-даллолик фаолияти билан шуғулланиш, нон ва кандолат маҳсулотлари ишлаб чиқариш, сартарошлик хизматлари;
- 2.2.12. чет эл сармояларини жалб қилиб инвестиция лойиҳаларини амалга ошириш;
- 2.2.13. Автомобилларга сервис хизматини кўрсатиш, енгил ва юк автомобилларини тамирлаш ва тиклаш, ҳамда автомобилларнинг агрегатлари, йиғмалари ва мосламаларини, эҳтиёт қисмларини сотиш ва ишлаб чиқариш, уларга сервис хизматини кўрсатиш,
- 2.2.14. Қишлоқ хўжалиги маҳсулотларини қайта ишлаш, қадоклаш;
- 2.2.15. Спорт инвентар ва спорт молларини савдо қилишни ташкил этиш, пуллик медитсина, стоматология ва косметология хизматларини кўрсатиш, фарматсевтик дори-дармон маҳсулотларини воситачилик-тижорат орқали савдо қилиш, ёрдамчи (иккиламчи) ва темирсозлама материаллар ишлаб чиқариш;
- 2.2.16. аҳолига, фирма ва корхоналарга ҳар турдаги маиший хизматларни кўрсатиш (автосервис, суратхона, нусха кўчириш, автомобилларни ювиш, кимовий тозалаш шаҳобчаларини очиш ва бошқалар);
- 2.2.17. Жамият Ўзбекистон Республикаси қонун ҳужжатларида таъқиқланмаган бошқа барча фаолият турлари билан шуғулланиши мумкин.

2.3.Лицензия ёки махсус рухсат олишни талаб қиладиган фаолият турлари, жамият томонидан тегишли лицензия ёки махсус рухсат олингандан кейин амалга оширилади.

3. Жамият устав капиталининг миқдори

3.1.Жамиятнинг устав капитали акциядорлар олган жамият акцияларининг номинал қийматидан ташкил топади.

3.2.Жамиятнинг устав капитали **264 000 000,00 (икки юз олтмиш турт миллион) сўмни** ташкил этади.

3.3.Жамият устав фонди ҳар бирини номинал қиймати 1 000 (бир минг сўм) сўм бўлган жами 264 000 (икки юз олтмиш турт минг) дона оддий акциялардан иборат.

Жамиятнинг барча акциялари оддий, эгасининг номи ёзилган ва ҳужжатсиз ҳисобланади. Акцияларнинг жойлашганлиги ва тақсимооти тўғрисидаги маълумот акциядорлар реестрида кўрсатилади ва акциялар эгалари ҳақидаги маълумот ушбу реестр бўйича ўзгариши мумкин.

3.4.Жамият амалдаги қонун ҳужжатларига мувофиқ акциядорлар реестрини шакллантириш шартнома бўйича Ўзбекистон Республикасининг Марказий Депозитарийсига топширади.

4. Жамиятнинг устав капиталини кўпайтириш

4.1.Жамиятнинг устав капитали қўшимча акцияларни жойлаштириш йўли билан кўпайтирилиши мумкин.

4.2.Қўшимча акциялар Жамият томонидан ушбу уставда белгиланган эълон қилинган акциялар сони доирасидагина жойлаштирилади.

4.3. Жамият устав капиталини ошириш мақсадида жойлаштирилган акцияларига қўшимча равишда чиқариши мумкин бўлган эълон қилинган акциялари миқдори - номинал қиймати 1 000 (бир минг сўм) бўлган 70 000 000 (етмиш миллион) дона оддий акциялардан иборат.

Жамиятнинг устав фондини (устав капиталини) кўпайтириш жойлаштирилган қўшимча акцияларнинг номинал қиймати миқдорида рўйхатдан ўтказилади. Бунда жамият уставида кўрсатилган, эълон қилинган муайян турдаги акцияларнинг сони ушбу турдаги жойлаштирилган қўшимча акцияларнинг сонига камайтирилиши керак.

4.4.Жамиятнинг устав жамғармасини қўшимча акцияларни жойлаштириш йўли билан кўпайтириш тўғрисидаги ягона таъсисчи қарорида кўрсатилган:

жойлаштириладиган қўшимча акцияларнинг умумий қиймати;

акциялар сони;

акциялар тури;

акцияларнинг номинал қиймати;

акцияларни жойлаштириш тартиби ва усули;

акцияларни жойлаштириш муддати;

акцияларни жойлаштириш (акцияларнинг биржа ва уюшган биржадан ташқари бозорига чиқариш) нархи;

акциялар учун тўлов тартиби, амалга ошмаган деб топиш улуши;

акцияларни жойлаштириш амалга ошмаган деб топилган тақдирда акциялар учун қабул қилинган тўлов воситаларини қайтариш тартиби.

4.5. Қўшимча чиқарилаётган акциялар очиқ ва ёпиқ обуна усули билан белгиланган тартибда жойлаштирилади.

Жамиятнинг устав капиталини кўпайтириш тўғрисидаги ва жамият уставига тегишли ўзгартишлар киритиш ҳақидаги қарорлар Жамиятнинг ягона акциядори томонидан қабул қилинади.

4.6. Жамият томонидан акцияларни ва акцияларга айирбошланадиган, ҳақи пул маблағлари билан тўланадиган эмиссиявий қимматли қоғозларни жойлаштиришда овоз берувчи акцияларнинг эгалари бўлган акциядор ўзига тегишли шу турдаги акциялар миқдорига мутаносиб миқдорда уларни имтиёзли олиш ҳуқуқига эга.

4.7. Имтиёзли ҳуқуқни қўлламаслик тўғрисидаги қарор, шунингдек бундай қарорнинг амал қилиш муддати ҳақидаги қарор ягона акциядори қарори билан тасдиқланади.

Бундай қарорнинг амал қилиш муддати ушбу қарор қабул қилинган пайтдан эътиборан бир йилдан ортиқ бўлиши мумкин эмас.

Имтиёзли ҳуқуққа эга бўлган шахсларнинг рўйхати қимматли қоғозларни чиқариш тўғрисидаги қарор қабул қилинган санадаги жамият акциядорлари реестрининг маълумотлари асосида тузилади.

Қўшимча чиқарилган акциялар бозор қийматида, лекин номинал қийматидан кам бўлмаган қийматда жойлаштирилади.

4.8. Акцияларни жойлаштириш, шу жумладан, акциядорлар ўртасида жойлаштириш тўғрисида қарор қабул қилишда акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархи қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан ҳолда белгиланади.

4.9. Жамиятнинг устав фондини (устав капиталини) кўпайтириш жалб қилинган инвестициялар, жамиятнинг ўз капитални ва ҳисобланган дивидендлар ҳисобидан қонунчиликда белгиланган тартибда амалга оширилиши мумкин.

Жамиятнинг устав капитални кўпайтирилаётганда жамиятнинг қўшимча акцияларига унинг ўз капитални ҳисобидан, шунингдек ҳақини қўшимча акциялар билан тўлаш тўғрисида қарор қабул қилинган дивидендлар ҳисобидан ҳақ тўланган тақдирда, бундай акцияларни жойлаштириш жамият акцияларининг номинал қиймати бўйича амалга оширилади.

4.10. Жамиятнинг устав фондини (устав капиталини) унинг ўз капитални ҳисобидан кўпайтиришда қўшимча акциялар барча акциядорлар ўртасида тақсимланади.

4.11. Бунда ҳар бир акциядорга қайси турдаги акциялар тегишли бўлса, айна ўша турдаги акциялар унга тегишли акциялар сонига мутаносиб равишда тақсимланади.

4.12. Жамиятнинг устав фонди (устав капитали) кўпайтирилиши натижасида кўпайтириш суммасининг битта акциянинг номинал қийматига мувофиқлиги таъминланмайдиган бўлса, жамиятнинг устав фондини (устав капиталини) кўпайтиришга йўл қўйилмайди.

5. Жамиятнинг устав капиталини камайтириш

5.1. Жамият устав фонди акцияларнинг номинал қийматини камайтириш ёки акцияларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилган ҳолда Жамият томонидан акцияларни олиш йўли билан камайтирилиши мумкин.

Жамият устав фондини акцияларнинг бир қисмини олиш ва бекор қилиш йўли билан камайтиришга ҳақли.

5.2. Жамият устав фондини камайтиришга, агар бунинг натижасида унинг миқдори Жамият устав фондининг Жамият Уставидаги тегишли ўзгартиришларни давлат рўйхатидан ўтказиш санасида аниқланадиган, қонун ҳужжатларида белгиланган энг кам миқдоридан камайиб кетса, ҳақли эмас.

5.3. Жамият устав фондини камайтириш тўғрисидаги ва Жамият Уставига тегишли ўзгартиришлар киритиш ҳақидаги қарорлар ягона акциядор томонидан қабул қилинади.

Жамият устав фондини камайтириш тўғрисида қарор қабул қилинаётганда ягона акциядор устав фондини камайтириш сабабларини кўрсатади ва уни камайтириш тартибини белгилайди.

5.4. Жамият устав фондини камайтириш тўғрисида қарор қабул қилингандан сўнг кредиторларни ҳабардор қилиш тартиби ва шакли амалдаги қонунчилик билан тартибга солинади.

6. Жамият акцияларининг турлари ва улар бўйича дивидендлар тўлаш тартиби

6.1. Жамиятнинг акциялари оддий бўлиб, эмиссиявий қимматли қоғозлар ҳисобланади.

6.2. Дивиденд ягона акциядор қарорига кўра пул маблағлари ёки бошқа қонуний тўлов воситалари ёхуд жамиятнинг қимматли қоғозлари билан тўланиши мумкин.

6.3. Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

6.4. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра жойлаштирилган акциялар бўйича дивидендлар тўлаш тўғрисида қарор қабул қилишга ҳақли.

Жамиятнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.

6.5.Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор жамият кузатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида ягона акциядор томонидан қабул қилинади.

6.6.Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим.

Дивидендларни тўлаш муддати ва тартиби ягона акциядор қарорида белгиланади. Дивидендларни тўлаш муддати шундай қарор қабул қилинган кундан эътиборан олтимиш кундан кеч бўлмаслиги лозим.

7. Жамиятнинг заҳира фонди

7.1.Жамият соф фойда ҳисобидан заҳира фондини ҳамда акциядорларнинг умумий йиғилишида аниқланадиган, жамият фаолияти учун зарур бўлган бошқа фондларни ташкил этади.

7.2.Жамиятнинг заҳира фонди, бошқа маблағлар мавжуд бўлмаган тақдирда, жамиятнинг зарарлари ўрнини қоплаш, жамиятнинг корпоратив облигацияларини муомаладан чиқариш ва жамиятнинг акцияларини қайтариб сотиб олиш учун мўлжалланади. Заҳира фондидан бошқа мақсадларда фойдаланиш мумкин эмас.

7.3.Жамият устав капиталининг 15 фоиздан кам бўлмаган миқдорда жамият заҳира фонди тузилади.

7.4.Жамият заҳира фондига ушбу уставнинг 5.3-бандида белгиланган миқдорга етгунига қадар ҳар йили соф фойдадан 5 фоиз миқдорида ажратмалар ўтказилади.

7.5.Заҳира фонди тўлалигича ёки қисман сарфланиб бўлган ҳолларида, мажбурий ажратмалардан тикланади.

8. Жамият бошқарувининг тузилмаси

8.1.Жамият бошқарув органлари қуйидагилардан иборат:

Ягона акциядор — жамиятнинг олий бошқарув органи;

Ижро органи (Директор) — якабошчилик асосида фаолият юритадиган ижро органи.

Агар жамиятда овоз берувчи акциядорлар сони ўттиз нафарга етса ёки ундан ошса, жамиятда Кузатув кенгаши тузилади ва унинг ваколатлари ушбу Уставнинг 8-бобида белгиланган тартибда амалга оширилади.

8.1.1. Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонунининг 74-моддасига асосан, жамиятда овоз берувчи акцияларга эга бўлган акциядорлар

сони ўттиз нафардан кам бўлган тақдирда, жамиятда Кузатув кенгаши тузилмайди. Бундай ҳолда Кузатув кенгашининг ваколатлари Акциядорларнинг умумий йиғилишига юкланади.

Акциядорларнинг умумий йиғилишини чақириш ва ўтказиш билан боғлиқ ташкилий масалаларни ҳал этиш учун жамият томонидан ваколатли шахс тайинланади.

8.2.Жамият бошқарув органларининг ваколатлари, функциялари, масъулияти, жавобгарлиги ҳамда ҳуқуқлари ушбу Устав ва олий бошқарув органининг қарори билан тасдиқланадиган низомлар билан белгиланади.

9. Жамият акциядорларининг умумий йиғилиши

9.1.Ягона акциядор жамиятнинг олий бошқарув органи ҳисобланади.

9.2.Жамият ҳар йили камида бир марта ягона акциядор олдида ҳисобот йиғилишини ўтказиши. Бу йиғилиши молия йили тугаганидан кейин олти ойдан кечиктирмай ўтказилади.

9.3.Ягона акциядорнинг мутлоқ ваколатлари қуйидагилар:

жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш;

жамиятни қайта ташкил этиш;

жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;

жамият кузатув кенгаши ваколатларини амалга ошириш;

эълон қилинган акцияларнинг энг кўп миқдорини белгилаш;

жамиятнинг устав капиталини кўпайтириш;

жамиятнинг устав капиталини камайтириш;

ўз акцияларини олиш;

жамиятнинг ташкилий тузилмасини тасдиқлаш, ижроия органини тузиш, унинг раҳбарини сайлаш (тайинлаш) ва раҳбарнинг ваколатларини муддатидан илгари тугатиш;

жамият тафтиш комиссиясининг аъзоларини (тафтишчисини) сайлаш ва уларнинг ваколатларини муддатидан илгари тугатиш, шунингдек тафтиш комиссияси (тафтишчи) тўғрисидаги низомни тасдиқлаш;

жамиятнинг йиллик ҳисоботини, йиллик бизнес-режасини тасдиқлаш;

жамиятнинг фойдаси ва зарарларини тақсимлаш;

жамият тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтиш комиссиясининг (тафтишчисининг) хулосаларини эшитиш;

жамият томонидан корпоратив облигациялар чиқариш тўғрисида қарор қабул қилиш;

қимматли қоғозларнинг ҳосилаларини чиқариш тўғрисида қарор қабул қилиш;

жамиятнинг корпоратив облигацияларини қайтариб сотиб олиш тўғрисида қарор қабул қилиш;

имтиёзли ҳуқуқни қўлламаслик тўғрисида қарорни қабул қилиш;

акцияларни ва акцияларга айирбошладиган қимматли қоғозларни сотиб олишда акциядорнинг имтиёзли ҳуқуқини қўлламаслик тўғрисида қарорни қабул қилиш;

акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

акциядорлар умумий йиғилишининг регламентини тасдиқлаш;

акцияларни (номинал қийматини) майдалаш ва йириклаштириш;

жамиятнинг ижроия органига тўланадиган ҳақ ва (ёки) компенсацияларни, шунингдек уларнинг энг юқори миқдорларини белгилаш;

қонунчиликда белгиланган ҳолларда Жамият томонидан йирик битимлар ва жамият аффилланган шахслари билан битимлар тузиш тўғрисида қарор қабул қилиш;

қонун ҳужжатларига мувофиқ бошқа масалаларни ҳал этиш.

9.4. Ягона акциядор томонидан қабул қилинган қарорлар имзоланган кундан икки иш кунидан кечиктирмай қонун ҳужжатларида белгиланган тартибда ошкор этилади.

9.5. Жамият, ягона акциядор қарорларини расмийлаштириш Жамият Устави, «Ягона акциядор қарорлари тўғрисида»ги Низом ҳамда қонунчилик нормалари асосида тартибга солинади.

10. Жамият кузатув кенгаши

10.1. Жамиятда ягона акциядор Жамият кузатув кенгаши ваколатларини амалга оширади.

10.2. Агар жамиятда овоз берувчи акцияларга эга бўлган акциядорлар сони ўттиз нафардан кам бўлса, жамиятда Кузатув кенгаши тузилмайди. Ушбу ҳолда жамият Кузатув кенгашининг ваколатлари ягона акциядорга юкланади.

10.3. Агар жамиятда овоз берувчи акциядорлар сони ўттиз нафарга етса ёки ундан ошса, жамиятда Кузатув кенгаши тузилади ва унинг фаолияти ушбу Уставнинг 8-бобининг қолган бандларида назарда тутилган тартибда амалга оширилади.

10.4. Жамият Кузатув кенгашининг ваколатлари қуйидагилар:

жамият фаолиятининг устувор йўналишларини белгилаш;

акциядорларнинг йиллик ва навбатдан ташқари умумий йиғилишларини чақириш, қонунчиликда назарда тутилган ҳоллар мустасно;

акциядорлар умумий йиғилишининг кун тартибини тайёрлаш;

акциядорларнинг умумий йиғилиши ўтказиладиган сана, вақт ва жойни белгилаш;

акциядорларнинг умумий йиғилиши ўтказилиши ҳақида хабар қилиш учун жамият акциядорларининг реестрини шакллантириш санасини белгилаш;

жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш масалаларини акциядорларнинг умумий йиғилиши ҳал қилиши учун киритиш;

мол-мулкнинг бозор қийматини белгилашни ташкил этиш;

жамиятнинг йиллик бизнес-режасини маъқуллаш. Бунда жамиятнинг келгуси йилга мўлжалланган бизнес-режаси жамият Кузатув кенгаши мажлисида жорий йилнинг 1 декабридан кечиктирмай маъқулланиши лозим;

ички аудит хизматини ташкил этиш ва унинг ходимларини тайинлаш, шунингдек ҳар чорақда унинг ҳисоботларини эшитиб бориш;

жамият ижроия органининг фаолиятига дахлдор ҳар қандай ҳужжатлардан эркин фойдаланиш ва жамият Кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. ЖАМИЯТ Кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;

аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;

жамиятнинг тафтиш комиссияси аъзоларига (тафтишчисига) тўланадиган ҳақ ва компенсацияларнинг миқдорлари юзасидан тавсиялар бериш;

дивиденд миқдори, уни тўлаш шакли ва тартиби юзасидан тавсиялар бериш;

жамиятнинг захира фондидан ва бошқа фондларидан фойдаланиш;

жамиятнинг филиалларини ташкил этиш ва ваколатхоналарини очиш;

жамиятнинг шўъба ва тобе ҳўжалик жамиятларини ташкил этиш;

қимматли қоғозлар чиқарилиши тўғрисидаги қарор ва эмиссия рисоласини тасдиқлаш;

аввал рўйхатдан ўтказилган қимматли қоғозлар чиқарилишларига ўзгартириш ва (ёки) қўшимчалар киритиш;

қонунчиликда белгиланган ҳолларда Жамият томонидан йирик битимлар ва жамият аффилиланган шахслари билан битимлар тузиш тўғрисида қарор қабул қилиш;

жамият Директорининг ваколатлари муддатидан илгари тугатилган тақдирда, унинг вазифасини вақтинча бажарувчини тайинлаш;

жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш.

10.5. Жамиятнинг Кузатув кенгаши аъзолари сайлови кумулятив овоз бериш орқали амалга оширилади.

10.6. Кумулятив овоз беришда ҳар бир акциядорга тегишли овозлар сони Жамиятнинг Кузатув кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга

тўлиқ беришга ёки уларни икки ва ундан ортиқ номзодлар ўртасида тақсимлашга ҳақлидир. Энг кўп овоз тўплаган номзодлар Жамият Кузатув кенгаши таркибига сайланган деб ҳисобланади.

10.7. Жамият Кузатув кенгашининг раиси Кузатув кенгаш аъзолари томонидан уларнинг ўзлари орасидан Жамият Кузатув кенгаши аъзолари умумий сонига нисбатан кўпчилик овоз билан сайланади. Жамият Кузатув кенгаши ўз раисини жами аъзоларининг кўпчилик овози билан қайта сайлашга ҳақлидир.

10.8. Жамият Кузатув кенгашининг раиси унинг ишини ташкил этади, Кузатув кенгаши мажлисларини чақиради ва уларда раислик қилади, мажлисда баённома юритилишини ташкил этади.

10.9. Жамият Кузатув кенгаши раиси йўқ бўлган ҳолларда унинг вазифасини Кузатув кенгаш аъзоларидан бири амалга оширади.

10.10. Жамият Кузатув кенгаши мажлислари унинг раиси томонидан ҳар чоракда камида бир марта чақирилади. Заруриятга кўра Жамият Кузатув кенгашининг навбатдан ташқари мажлислари ҳам ўтказилиши мумкин.

10.11. Жамият Кузатув кенгашининг қарори Кузатув кенгашга сайланган аъзоларнинг камида етмиш беш фоизи иштирок этганида қонуний ҳисобланади. Жамият Кузатув кенгашининг мажлисида қарорлар, агар қонунчиликда бошқа ҳоллар кўзда тутилмаган бўлса, мажлисда ҳозир бўлганларнинг кўпчилик овози билан қабул қилинади. Жамият

Кузатув кенгаши мажлисида масалалар ҳал этилаётганда Кузатув кенгашнинг ҳар бир аъзоси битта овозга эга.

Жамият Кузатув кенгашининг бир аъзоси ўз овозини Кузатув кенгашнинг бошқа аъзосига беришига ҳақли эмас. Жамият Кузатув кенгаши аъзоларининг овозлари тенг бўлган ҳолда, Жамият Кузатув кенгаши Раисининг овози ҳал этувчи ҳисобланади.

10.12. Жамият Кузатув кенгашини ўтказиш Жамиятнинг «Кузатув кенгаши тўғрисида»ги Низом асосида иш олиб боради.

11. Жамиятнинг ижрои органи

11.1. Жамиятнинг кундалик фаолиятига раҳбарлик яккабошчилик асосидаги Ижроия органи - Директор томонидан амалга оширилади.

11.2. Директор жамиятнинг кундалик фаолиятини бошқаради ва оператив раҳбарликни Ўзбекистон Республикаси қонунчилиги, Жамият Устави, Ягона акциядор қарорларига мувофиқ амалга оширади.

11.3. Директор ягона акциядорга ҳисобот беради.

11.4. Директор Ягона акциядор томонидан сайланади (тайинланади). Директор билан меҳнат шартномасини Жамият номидан ягона акциядор имзолайди.

11.5. Директорга тўланадиган ҳақ миқдори Жамият фаолиятининг самарадорлигига тўғридан-тўғри боғлиқ бўлиб, меҳнат шартномасида белгиланади.

11.6. Директорнинг ваколатларига Жамиятнинг кундалик фаолиятига раҳбарлик қилишга доир барча масалалар киради.

11.7. Директор ягона акциядор қарорлари бажарилишини ташкил этади.

11.8. Директорнинг ваколатларига қуйидагилар киради:

мазкур устав ва Кузатув кенгаши томонидан ўзига берилган ваколатларга мувофиқ Жамиятнинг ишига раҳбарлик қилиш;

жамият номидан ишончномасиз иш юритиш ва унинг манфаатларини ҳимоя қилиш;

Жамият номидан битимлар тузиш, жамиятнинг филиали ёки ваколатхонаси раҳбарини тайинлаш;

штатларни тасдиқлаш, Жамият ходимларини ишга қабул қилиш, улар билан меҳнат шартномаларини тузиш ва бекор қилиш, уларга нисбатан интизомий жазо чораларини қўллаш, ходимлар томонидан меҳнат ва ижро интизомини сақлаб туришини таъминлаш;

Жамият номидан амалдаги қонунчиликка асосан ишончномаларни бериш;

Жамиятнинг барча ходимлари томонидан бажарилиши мажбурий бўлган буйруқ ва фармойишлар чиқариш ва кўрсатмалар бериш;

ўз ваколатлари доирасида Жамиятнинг самарали ва барқарор ишлашини таъминлаган ҳолда унинг жорий фаолиятига раҳбарлик қилиш;

ягона акциядор қарорларининг бажарилишини ташкил этиш;

амалдаги қонунчиликка мувофиқ Жамиятда бухгалтерия ҳисоби ва ҳисоботининг ташкил этилиши, зарур ҳолати ва ишончлилигини, йиллик ҳисоботлар ва бошқа молиявий ҳисоботлар тегишли органларга ўз вақтида тақдим этилишини, шунингдек акциядорларга, кредиторларга ва бошқа олувчиларга юбориладиган Жамият фаолияти тўғрисидаги маълумотлар тақдим этилишини таъминлаш;

амалдаги қонун ҳужжатларига ҳамда Жамият ички ҳужжатларига риоя қилиш.

11.9. Директорнинг ҳуқуқ ва мажбуриятлари:

Директор ўз ҳуқуқларини амалга оширишда ва ўз мажбуриятларини бажаришда Жамият манфаатларини кўзлаб иш тутиши лозим.

Директор қонун ҳужжатларига ва ушбу уставга мувофиқ Жамият олдида жавобгардир.

Директор мазкур устав ва Акциядорлар умумий йиғилиши томонидан тасдиқланган «Ижроия органи тўғрисида»ги Низом асосида иш олиб боради.

12. Жамиятнинг тафтиш комиссияси

12.1. Жамиятнинг молия-хўжалик фаолиятини назорат қилиш учун ягона акциядорларнинг тафтиш комиссиясини бир йил муддатга сайлайди.

12.2. Жамият тафтиш комиссияси 3 кишидан иборат.

12.3. Жамият тафтиш комиссиясининг ваколатлари:

12.3.1. Жамият тафтиш комиссиясининг талабига биноан жамиятнинг Бошқарув органларидаги мансабдор шахслар молия-хўжалик фаолияти тўғрисидаги ҳужжатларни тафтиш комиссиясига тақдим этишлари шарт.

12.3.2. Жамиятнинг тафтиш комиссияси амалдаги қонунчиликка мувофиқ акциядорларнинг навбатдан ташқари умумий йиғилиши чақирилишини талаб қилишга ҳақли.

12.3.3. Жамият тафтиш комиссиясининг аъзолари бир вақтнинг ўзида жамият Кузатув кенгашининг аъзоси бўлишлари, шунингдек жамиятнинг бошқарув органларида бошқа лавозимларни эгаллашлари мумкин эмас. Айни бир шахс айти бир жамиятнинг тафтиш комиссияси таркибига кетма -кет уч мартадан ортиқ сайланиши мумкин эмас.

12.3.4. Жамият тафтиш комиссияси фаолиятининг тартиби Акциядорлар умумий йиғилиши томонидан тасдиқланадиган «Жамият тафтиш комиссияси тўғрисида»ги Низомда белгилаб қўйилади.

13. Якуний қоидалар

13.1. Устав бўйича келиб чиқадиган барча низо ва келишмовчиликлар акциядорларнинг ўзаро келишуви йўли билан амалдаги қонун ҳужжатлари ва ушбу уставга асосан ҳал қилинади.

13.2. Низо ва келишмовчиликларни музокаралар йўли билан ҳал қилиш имконияти бўлмаган тақдирда улар тегишли равишда суд орқали ҳал қилинади.

13.3. Мазкур Устав Ўзбекистон Республикасининг қонун ҳужжатларида белгиланган тартибда давлат рўйхатига олинган вақтдан бошлаб кучга киради.